

**CENTRALNA BANKA
BOSNE I HERCEGOVINE**

Broj: 150-15-4-148-6/18 TT
Sarajevo, 05.02.2018. godine

Handwritten signature and date: 06.02.18

Na osnovu člana 69. stav (2) tačka d) i člana 70. st. (4) i (6), a u vezi s članom 68. stav (4) tačka i), Zakona o javnim nabavkama („Službeni list BiH“, 39/14) i člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28.12.2015. godine, guverner Centralne banke Bosne i Hercegovine, donosi

ODLUKU

o poništenju postupka javne nabavke usluga – održavanje platforme za elektronsko međubankarsko tržište novca – SPIDER platforme

Član 1.

(1) Ovom odlukom poništava se postupak javne nabave usluga – održavanje platforme za elektronsko međubankarsko tržište novca – SPIDER platforme, procijenjene vrijednosti nabavke u iznosu od 83.000,00 KM.

(2) Postupak javne nabavke iz stavka (1) ovog članka proveden je putem pregovaračkog postupka bez objave obavještenja o nabavci.

Član 2.

Za realizaciju ove odluke zadužuju se Odjeljenje za računovodstvo i finansije i Odjeljenje za javne nabavke Centralnog ureda Centralne banke Bosne i Hercegovine.

Član 3.

Ova odluka će se objaviti na internet stranici Centralne banke www.cbbh.ba, istovremeno sa upućivanjem ponuđaču koji je sudjelovao u postupku javne nabavke, u skladu sa članom 70. stav (6) Zakona o javnim nabavkama („Službeni glasnik BiH“, broj: 39/14).

Član 4.

Ova odluka stupa na snagu danom donošenja.

O b r a z l o ž e n j e

Postupak javne nabave usluga – održavanje platforme za elektronsko međubankarsko tržište novca – SPIDER platforme, putem pregovaračkog postupka bez objave obavještenja o nabavci, pokrenut je Odlukom, broj: 150-15-4-2553-3/17 TT od 17.11.2017. godine.

Handwritten signature

Handwritten signature

U skladu s tim, Centralna banka Bosne i Hercegovine je na svojoj internet stranici (www.cbbh.ba) objavila Poziv za dostavljanje ponuda (tenderska dokumentacija) u pregovaračkom postupku za nabavu usluge – održavanje platforme za elektronsko međubankarsko tržište novca – SPIDER platforme (Faza I, II i III), broj: 150-15-4-148-1/18 od 11.01.2018. godine i broj: 150-15-4-148-3/18 od 15.01.2018. godine, koji je upućen ponuđaču TENFORE d.o.o. iz Banja Luke, te je navedeni ponuđač kao jedini učesnik u ovom postupku javne nabavke dostavio zahtjev za učešće i početnu ponudu.

Nadležna komisija za provedbu ovog postupka javne nabavke je svojim zapisnikom, broj: 149-15-4-305-5/18 od 26.1.2018. godine konstatovala kako slijedi:

Tačkom 2.9. navedene tenderske dokumentacije je određeno:

„Zahtjev za učešće/ponuda se čvrsto uvezuje na način da se onemogućiti naknadno vađenje ili umetanje listova. Ako je izrađen u dva ili više dijelova, svaki dio se čvrsto uvezuje na način da se onemogućiti naknadno vađenje ili umetanje listova. U skladu sa stavom Agencije za javne nabavke BiH pod čvrstim uvezom se podrazumijeva ponuda uvezana odnosno ukoričena u knjigu ili ponuda osigurana jamstvenikom. Pod čvrstim uvezom se ne podrazumijeva uvez „Spiralno“, ponuda dostavljena u plastičnoj fascikli ili sličan uvez koji omogućava nesmetano mijenjanje stranica ponude/zahtjeva za učešće. U slučaju da kandidat uveže zahtjev za učešće/ponudu na navedeni način uvez mora biti dodatno osiguran jamstvenikom. Dijelove ponude/zahtjevi za učešće kao što su uzorci, katalogi, mediji za pohranjivanje podataka i sl. koji ne mogu biti uvezani kandidat/ponuđač obilježava nazivom i navodi u sadržaju ponude kao dio zahtjeva za učešće/ponude.

Stranice zahtjeva za učešće/ponude se označavaju brojem na način da je vidljiv redni broj stranice. Kada je Zahtjev za učešće/ponuda izrađen od više dijelova, stranice se označavaju na način da svaki slijedeći dio započinje rednim brojem kojim se nastavlja redni broj stranice kojim završava prethodni dio. Ako sadrži štampanu literaturu, brošure, kataloge koji imaju izvorno numerisane brojeve, onda se ti dijelovi ponude ne numerišu dodatno. Izuzetno, zahtjev za učešće/ponuda neće biti odbaćen ukoliko su listovi ponude numerisani na način da je obezbijeđen kontinuitet numerisanja, te će se smatrati manjim odstupanjem koje ne mijenja, niti se bitno udaljava od karakteristika, uslova i drugih zahtjeva utvrđenih u obavještenju o nabavci i TD.“.

Uvidom u Zahtjev za učešće, koji je zaveden pod brojem: 149-15-4-305/18 dana 19.1.2018. godine, nadležna komisija je ustanovila da dokumentacija iz Zahtjeva za učešće nije dostavljena na način kako je to određeno u naprijed citiranoj odredbi tenderske dokumentacije. Konkretno, ponuđač je dostavio svoj zahtjev za učešće koji nije bio uvezan na način kako je to određeno u tenderskoj dokumentaciji te isti nije pravilno numerisan, te je nadležna komisija zauzela stav da je Zahtjev za učešće i početnu ponudu potrebno odbaciti, a postupak poništiti, sve u skladu sa članom 68. stav (4) tačka i) Zakona o javnim nabavkama i članu 69. stava (2) tačka d) Zakona o javnim nabavkama.

Cijeneći naprijed navedene činjenice od strane nadležne komisije za provedbu ovog postupka, te iste dovodeći u vezu s citiranim odredbama poziva i Zakona o javnim nabavkama odlučeno je kao u izreci ove odluke.

Pouka o pravnom lijeku:

Protiv ove odluke može se, u pisanoj formi, uložiti žalba Centralnoj banci u roku od 10 dana od dana prijema ove odluke.


GUVERNER
dr. Senad Softić


Dostaviti:

- Uredu guvernera
- viceguvernerima
- Uredu glavnog internog revizora
- sekretaru Uprave i Upravnog vijeća
- članovima Upravnog vijeća
- Odjeljenju za platne sisteme
- Odjeljenju za ljudske resurse
- Odjeljenju za računovodstvo i finansije (original)
- Odjeljenju za javne nabavke (original)
- u spis predmeta
- a/a (original)

dm

JK